

# Përrshpejtimi i Punës për Shpëtim

Përsiatni pyetjet vijuese në lidhje me secilën nga pesë fushat që janë pjesë e punës për shpëtim:

- Si mund t'i sjellin të tjerët më pranë bekimeve të shpëtimit përpjekjet tuaja në këtë fushë të punës së Perëndisë?
- Çfarë përvojash keni pasur dhe çfarë bekimesh keni marrë kur keni marrë pjesë në këtë fushë të përrshpejtit të punës së Zotit për shpëtimin?
- Çfarë mund të bëni, pavarësisht nga thirrja juaj e tanishme në Kishë, që të luani rol në këtë fushë të punës për shpëtimin?

## Puna Misionare e Anëtarëve

Plaku Nil L. Andersen, i Kuorumit të Dymbëdhjetë Apostujve, na mësoi:



“Vëllezër e motra, me aq siguri sa Zoti ka frymëzuar më shumë misionarë për të shërbyer, Ai gjithashtu po zgjon mendjet dhe po hap zemrat e më shumë njerëzve të mirë e të ndershëm për të pranuar misionarët e Tij. Ju tashmë i njihni apo do t'i njihni ata. Ata janë në familjen tuaj dhe jetojnë në lagjen tuaj. Ata ecin duke u shkëmbyer me ju në rrugë, ulen pranë jush në shkollë dhe lidhen me ju në internet. Edhe ju jeni një pjesë e rëndësishme e kësaj mrekullie që po shpaloset.

Nëse nuk jeni një misionar kohëplotë me një etiketë të zezë misionari të kapur në pallton tuaj, tani është koha që ta pik-turonin një [të tillë] në zemrën tuaj – të ngjyrosur, siç tha Pali, ‘jo me bojë, por me Frymën e Perëndisë së gjallë’ [2 Korintasve 3:3]. ... Të gjithë ne kemi një kontribut për të bërë për këtë mrekulli” (“Është një Mrekulli”, *Ensign* ose *Liahona*, maj 2013, f. 78).

## Mbajtja Aktive e të Kthyerve në Besim

Plaku M. Rasëll Ballard, i Kuorumit të Dymbëdhjetë Apostujve, shpalli:



“Ju dhe unë duhet të bëjmë gjithçka që mundemi për ta parë që çdo anëtar i Kishës të shoqërohet tërësisht dhe i gëzon të gjitha bekimet që ungjillit ka për të ofruar.

Presidenti Gordon B. Hinkli na ka kujtuar ju dhe mua për përgjegjësinë tonë që të jemi bashkëpunëtorë me Zotin për t'i bërë të ndodhin planet e Tij për Kishën. Në një transmetim satelitor, Presidenti Hinkli tha: ‘Zoti ka vendosur mbi ne një mandat për t’ia mësuar ungjillin çdo krijese. Kjo do të kërkojë përpjekjet më të mira të çdo misionari – kohëplotë dhe të kunjit. Do të kërkojë përpjekjet më të mira të çdo peshkopi, të çdo këshilltari të peshkopit, të çdo anëtari të këshillit të lagjes ...’ (‘Find the Lambs, Feed the Sheep’, *Ensign*, maj 1999, f. 107). Do të kërkojë përpjekjet më të mira të çdo anëtari” (“Members Are the Key”, *Ensign*, shtator 2000, f. 10).

## Aktivizimi i Anëtarëve më Pak Aktivë

“Roli ynë [si anëtarë] është të zhytemi në dashurinë dhe shërbimin për njerëzit rreth nesh – duke ngushëlluar një koleg pune në nevojë, duke ftuar miqtë tanë në një pagëzim, duke ndihmuar një fqinj të moshuar për punën e tij në kopsht, duke ftuar një anëtar më pak aktiv për një vakt ushqimor, ose duke ndihmuar një fqinjë për historinë e familjes së saj. Të gjitha këto janë mënyra të natyrshme e të gëzueshme për të ftuar anëtarë më pak aktivë dhe njerëz jo të besimit tonë në jetën tonë dhe, si pasojë, në dritën e ungjillit. Ndarja me ta e momenteve zbatimëse dhe atyre të shenjta në jetën tonë, mund të jetë në të vërtetë mënyra më e efektshme se si secili prej nesh mund të “pun[ojë] në vreshtin e [Jezu Krishtit] për shpëtimin e shpirtave të [burrave dhe grave]’ (DeB 138:56)” (“Përrshpejtimi i Punës për Shpëtim”, *Ensign*, tetor 2013, f. 36).

## Puna në Tempull dhe për Historinë Familjare

Plaku Kuentin L. Kuk, i Kuorumit të Dymbëdhjetë Apostujve, dha mësim:



“Udhëheqja e Kishës i ka drejtuar një thirrje të qartë brezit të ri që të jetë pararoja në përdorimin e teknologjisë për të përrjetuar shpirtin e Elijas, për t’i kërkuar paraardhësit e tyre dhe për të kryer ordianca në tempull për ta. Shumica e punës së rëndë në përrshpejtimin e punës së shpëtimit si për të gjallët dhe të vdekurit do të bëhet nga ju të rinj” (“Rrënjët dhe Degët”, *Ensign* ose *Liahona*, maj 2014, f. 46,47).

## Mësimdhënia e Ungjillit

“Përgjegjësia për ta dhënë mësim ungjillin nuk kufizohet tek ata që kanë thirrje zyrtare si mësues. Si një anëtar i Kishës së Jezu Krishtit të Shenjtorëve të Ditëve të Mëvonshme, ju keni përgjegjësinë për ta dhënë mësim ungjillin. Si prind, bir, bijë, bashkëshort, bashkëshorte, vëlla, motër, udhëheqës i Kishës, mësues në klasë, mësues shtëpie, mësuese vizitore, bashkëpunëtor, fqinj ose mik, ju keni mundësi të jepni mësim. Nganjëherë ju mund të jepni mësim haptazi dhe drejtpërsëdrejti, me anë të gjërave që thoni dhe dëshmisë që jepni. Dhe ju gjithmonë jepni mësim me anë të shembullit” (*Teaching, No Greater Call: A Resource Guide for Gospel Teaching* [1999], f. 3–4).

